

Søren Hald Møller-ip CV-a

Inuttut paasissutissat

Ateq: Søren Hald Møller

Najugaq: Kigutaarnat 66, Postboks 7077, 3905 Nuussuaq
Oqarasuaat: +299 54 87 83
Inuuik: 25. januar 1960 Københavnimi

Piginnaasaqarnerulersitsisumik ilinniakkat.

1984 Aalborg Universitet-imi inuiaqatigiilerinermi Cand.phil.

2019 Inuussutissarsiutigalugu angallassissutininik amerlanerpaanik aqqaneq-marlunnik ilaasoqarsinnaasunik ingerlatsisinnaanermut uppernarsaateqarneq.

Inuussutissarsiutini misilittakkat.

1986 **Inersimasunut HF-ertunut ilinniarnertuunngorniartunullu nalunaaquttap akunnermusiaqarluni atuartsineq.**

1986-87 **Pisortani Isumaqatigiinniartartut Nuummi immikkoortorta qarfianni fuldmægtig.**
Kalaallit Nunaanni sulisartut kattuffiunut isumaqatigiissusiornerit isumaqatigiissutinillu paasinnineq.

1987-92 **Kalaallit Nunaanni Namminersornerullutik Oqartussani allaffimmi pisortaq aamma fuldmægtig, Aningaasaqarnermut pisortaqarfik.**
Sulisoqarnermik allaffissornikkut aqutsineq Aningaasaqarnermik pilersaaruisiorneq, tamatumani aningaasaliisarnermut inatsit aningaasatigullu politikkissamik piareersaasioq atuuksitsilernerlu. Aningaasaqarnermut pisortaqarfimmi pisortaaqatigiinnut suleqataaneq. Naalakkersuisunut politikkikkut sullissineq Inatsisartullu aningaasaqarnermut ataatsimiititaliaannut allattoqarfimmi sullissineq.

1992-95 **Kalaallit Nunaanni Namminersornerullutik Oqartussani pisortaq/tullersorti, Naalakkersuisoqarfimmi allattoqarfik.**
Namminersornerullutik Oqartussani pisortaanermut tullersorti Namminersorlutillu Oqartussani qullersaqarfimmi suleqataasoq. Naalakkersuisut siulittaasuannik politikkikkut sullissineq Naalakkersuisullu allattoqarfianni sullissineq.

1995-96 **KNI Holding A/S-imi pisortaaneq.**
Suliffeqarfissuup KNI-p aningaasaqarneranik iluarsartuussineq allannngortiterinerlu kiisalu politikkikkut atugassarititaasunik nutarterineq.

1997-99 **Kalaallit Nunaanni Namminersornerullutik Oqartussani Avatangiisinut Pinngortitamullu Pisortaqarfimmi pisortaq.**

Nutaamik pisorta qarfissamik pilersitsianeq, tamatumani periusissanik qanorlu iliuusissanik pilersaarusiorneq, nunani allaneersunik suleqateqarnissamik ineriartortitsineq kiisalu danskit ilisimatusaatigalugu misissuisarfiinik oqartussanillu suleqateqarneq.

Kalaallit Nunaanni Pinngortitaleriffimmi siulersuisunut ilaasortaq. Kalaallit Nunaanni Aatsitassat Ikummatissallu pillugit Ataatsimoorussamik siunnersuisooqatigiinni 1998-imiit suliaqartussatut toqqagaq.

1999-2002 **Kalaallit Nunaanni Namminersornerullutik Oqartussani pisortaq.**

Naalakkersuisoqarfiup allaffeqarfiani akisussaasuunertut aqutsisoq, Naalakkersuisut qullersaqarfianni aqutsisoq Naalakkersuisullu allattoqarfianni ulluinnarni aqutsisoq. Naalakkersuisut siulittaasuannik politikikkut sullissineq Naalakkersuisullu allattoqarfianni sullissineq. Naalakkersuisoqarfiit akornini suleqatigiinnissamut tunngatillugu akisussaasoq, soorlu Inatsisartut Allattoqarfianni kiisalu Statsministereqarfimmut Nunanullu Allanut Ministereqarfimmut.

Aningaasaateqarfik Nordatlantisk Bryggemi kiisalu Kulturfonden Danmark-Grønland-imi siulersuisunut ilaasortaq. Kalaallit Nunaanni Aatsitassat Ikummatissallu pillugit Ataatsimoorussamik siunnersuisooqatigiinni suliaqartussatut toqqagaq.

2002-05 **Namminersorlutik Oqartussani suliniutinut aqutsisoq allaffimilu pisortaq, Aatsitassanut Ikummatissanullu pisortaqarfik.**

Aatsitassanut inatsit tunngavigalugu Aatsitassanut Ikummatissanullu Pisortaqarfiup aatsitassanut tunngatillugu suliaasaanut kiisalu sermimik imermillu avammut nioqquteqarnermut akisussaasoq. Aatsitassaqaqarnerup iluani kiisalu sermimik imermillu avammut nioqquteqarnissamut periusissiorneq. Aatsitassanut Ikummatissanullu Pisortaqarfimmi pisortaaqatigiinut suleqataaneq. Naalakkersuisunut ilaasortamut sullissineq kiisalu Kalaallit Nunaanni Aatsitassat Ikummatissallu pillugit Ataatsimoorussamik siunnersuisooqatigiinni allattoqarfimmi sullissineq.

2005-11 **Kalaallit Nunaanni Rigsombudsmand.**

Rigsombudsmanden tassaavoq Danmarkimi naalakkersuisut ataanni naalagaaffimmi oqartussat Kalaallit Nunaanni pingaarnertut aallartitaat. Rigsombuddeqarfiup suliaasaanut akisussaasoq, tamatumani naalagaaffiup ingerlataasa Kalaallit Nunaannilu Namminersorlutik Oqartussat ingerlataasa suleqatigiinnissaannik ingerlatsineq, Kalaallit Nunaannut tunngatillugu Statsministereqarfimmut ministereqarfinnullu allanut siunnersuineq kiisalu pisortatigoortumik tikeraartussanut piareersaaneq.

Kulturfonden Danmark-Grønland-imi siulersuisunut ilaasortaq.

2011-13 **Kommuneqarfik Sermersuumi pisortaq.**

Borgmesterimut, aningaasaqaqarnermut ataatsimiititaliamut kommunalbestyrelsimullu sullissineq. Kommunip pisortaqarfianik aqutsineq.

2013-15 **Aatsitassanik Suliaqaqarfimmut Avatangiisinut Aqutsisoqarfimmi pisortaq.**

Nutaamik aqutsisoqarfiliornermi pilersitsiartuaarneq sanaartornermi aatsitassanillu suliaqartunik allanik suleqateqarneq. Kalaallit Nunaanni Danmarkimilu ilisimatusarnikkut siunnersortinut suleqateqarnissamik ineriartortitsineq. April 2014-imiit Avatangiisinut Pinngortitamullu Naalakkersuisoqarfimmi pisortaanerugallartoq.

- 2015-19 **Naalakkersuisut Siulittaasuata Naalakkersuisoqarfiani pisortaaneq**
Naalakkersuisut allattoqarfianni kiisalu Naalakkersuisut siulittaasuata Naalakkersuisoqarfiani akisussaasutut pisortaaneq. Naalakkersuisut siulittaasuannik kiisalu Naalakkersuisut allattoqarfianni sullissinermik akisussaasoq. Inatsisartut Allattoqarfianik suleqateqarnermut, Statsministeqarfiup Lagmandillu allaffiata suleqatiginerinik akisussaasoq. Fonden Danmark-Grønland-imi siulersuisunut ilaasortaq.
- 2019- Namminersortutut siunnersuineq kiisalu Greenland Boat Charter-imi angallasartaq.
Fonden Danmark-Grønland-imi siulersuisunut ilaasortaq.
- 2020- Naalakkersuisut Isumaqatigiissutinut Isumalioqatigiissitaliaanni ilaasortaq.

Kalaallit Nunaanni Namminersorlutik Oqartussat toqqagaattut ingerlatseqatigiiffinni ilaasortaq ukunanni:

Nuuk Imeq A/S (1991-95)

KNI A/S (1997-98)

kiisalu **Royal Greenland A/S** (1994-96; siulittaasoq 1997-99).